

Broj: 05-02-4-273/25
Mostar, 03.07.2025. godine

BOSNA I HERCEGOVINA
FEDERACIJA BOSNE I HERCEGOVINE
Parlament Federacije Bosne i Hercegovine
Predstavnički dom
N/r Dragan Mioković, predsjedavajući
N/r Ajla Milišić Pepić, poslanica

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		09-07-2025	
Org. jed.	Broj	Priloga	Vrijednost
05/1	-02-	65	125

PREDMET: Poslaničko pitanje, odgovor – dostavlja se

Poštovani,

Aktom predsjedavajućeg Predstavničkog doma Parlamenta Federacije Bosne i Hercegovine broj: 05/1-02-65/25 od 05.02.2025. godine, Vladi Federacije Bosne i Hercegovine i JP Elektroprivredi BiH d.d. – Sarajevo su dostavljena poslanička pitanja koje je postavila Ajla Milišić Pepić, poslanica u Predstavničkom domu Parlamenta Federacije Bosne i Hercegovine.

Poslanička pitanja glase:

1. Da li JP Elektroprivreda BiH d.d. – Sarajevo i JP Elektroprivreda HZ HB d.d. Mostar planiraju povećanje cijena električne energije za građane i privredu u 2025. godini?
2. Ako se planira povećanje, koliki se procenat povećanja očekuje i na koje kategorije potrošača će se ono primjenjivati?
3. Da li su razmatrane alternativne mjere za stabilizaciju cijena električne energije, kao što su subvencije, energetska efikasnost ili uvođenje dodatnih obnovljivih izvora energije?

U skladu sa postavljenim poslaničkim pitanjima, ovo Ministarstvo je aktom broj: 05-02-4-273/25 od 03.03.2025. godine i Urgencijom broj: 05-02-4-273/25 od 03.06.2025. godine zatražilo od javnih elektroprivrednih kompanija u Federaciji dostavu podataka u okviru njihovih nadležnosti.

U skladu sa informacijama kojima raspolaže ovo Ministarstvo, te u skladu sa informacijama dostavljenim u dopisu JP Elektroprivreda BiH d.d. – Sarajevo broj: 01-04-22213-1/25 od 19.06.2025. godine (u prilogu) kojim je dostavljen dopis JP Elektroprivreda BiH d.d. – Sarajevo broj: 01-04-9460-1/25 od 13.03.2025. godine i dopisu JP Elektroprivreda HZ HB d.d. Mostar broj: I-3650/25 od 12.06.2025. godine (u prilogu) kojim je dostavljen dopis JP Elektroprivreda HZ HB d.d. Mostar broj: I-2400/25 od 28.02.2025. godine, obavještavamo Vas o slijedećem:

1. U trenutku pisanja dopisa (13.03.2025. godine) JP Elektroprivreda BiH d.d. – Sarajevo nije imala u planu povećanje cijena javnog snabdijevanja električnom energijom u toku 2025. godine. Međutim, u skladu sa informacijama objavljenim na pres konferenciji održanoj 30.06.2025. godine JP Elektroprivreda BiH d.d. – Sarajevo je predstavila prijedlog povećanja cijena električne energije koji treba proći proceduru dobijanja saglasnosti od strane Regulatorne komisije za energiju u Federaciji BiH (FERK) u skladu sa metodologijom za utvrđivanje cijena

snabdijevanja kod javnog snabdjevača, koja se utvrđuje Pravilnikom o metodologiji za utvrđivanje cijena za snabdijevanje električnom energijom krajnjih kupaca kod javnog i rezervnog snabdijevanja. U skladu sa navedenim Pravilnikom prijedlog cijena za snabdijevanje električnom energijom javnog snabdjevača mora biti dostavljen FERK-u najkasnije 60 dana prije planirane primjene istih. FERK daje saglasnost na predložene cijene ili, u slučaju da cijene koje je predložio javni snabdjevač nisu utvrđene u skladu sa Pravilnikom, FERK neće dati saglasnost na predložene cijene, te u ovom slučaju FERK samostalno utvrđuje cijene za javno snabdijevanje.

JP Elektroprivreda HZ HB d.d. Mostar smatra da u prvoj polovini 2025. godine sigurno neće doći do povećanja cijena električne energije, kako u okviru javnog tako i u okviru tržišnog snabdijevanja, ali da nije moguće predvidjeti (zbog hidroloških prilika u 2025. godini i volatilnosti cijena na tržištu električne energije) da li će do kraja 2025. godine doći do povećanja cijena električne energije za krajnje kupce.

2. JP Elektroprivreda BiH d.d. – Sarajevo je na navedenoj press konferenciji najavila i novi model povećanja cijena koji, ponavljamo mora dobiti saglasnost FERK-a. Svakako da će navedeno biti javno objavljeno u narednom periodu.
3. Što se tiče alternativnih mjera za stabilizaciju cijena električne energije, subvencija, energijske efikasnosti ili uvođenje dodatnih obnovljivih izvora energije, moramo napomenuti da je izuzetno značajan porast potrošnje električne energije krajnjih kupaca i kao glavni razlog za navedeno je izuzetno niske cijene električne energije u odnosu na druge energente. Vlada Federacije Bosne i Hercegovine već duži niz godina (od 2011. godine) provodi Odluku o provedbi mjera za smanjenje troškova električne energije domaćinstvima i stimulaciji energetske efikasnosti, s ciljem smanjenja troškova električne energije na način da se potrošnja krajnjih kupaca električne energije, a koja je ispod prosječne potrošnje ispod 268 kWh mjesečno kod JP Elektroprivreda BiH d.d. - Sarajevo i ispod 348 kWh mjesečno kod JP Elektroprivreda HZ HB d.d. - Mostar subvencionira u maksimalnim iznosima od 5,50 KM odnosno 7,00 KM u zavisnosti od utrošene električne energije u obračunskom periodu. Pored navedenog, Fond za zaštitu okoliša kontinuirano provodi programe za implementaciju projekata provođenja mjera energijske efikasnosti. Također, gledano historijski, distributivni gubici najmanji u zadnjih par godina, a među najmanjim u Evropi (JP Elektroprivreda BiH d.d. – Sarajevo je na nivou 6 %).

Uvođenje dodatnih obnovljivih izvora energije moramo posmatrati sa tri aspekta:

- razvoj proizvodnih projekata OIE od strane javnih snabdjevača,
- razvoj proizvodnih projekata OIE od strane privatnih kompanija i
- razvoj proizvodnih projekata OIE od strane krajnjih kupaca električne energije.

Razvoj proizvodnih projekata OIE od strane javnih snabdjevača je u prethodnom periodu naišao na brojne prepreke, uglavnom zbog administrativnih i regulatornih prepreka, te ambiciozni planovi izgradnje novih proizvodnih objekata na obnovljivim izvorima energije (projekti fotonaponskih elektrana, vjetroelektrana i hidroelektrana) iako u visokim stadijima pripreme za realizaciju, ne teku željenom brzinom, ali je realno očekivati realizaciju istih tek u doglednom srednjoročnom periodu.

Razvoj proizvodnih projekata OIE od strane privatnih kompanija uglavnom teče bez velikih administrativnih i regulatornih prepreka uglavnom zbog ne primjenjivanja Zakona o javnim nabavkama. Međutim, navedene kompanije uglavnom svoju energiju prodaju na tržištu i po tržišnim cijenama, koje su neuporedivo veće od cijena javnog snabdijevanja.

Što se tiče razvoja proizvodnih projekata OIE od strane krajnjih kupaca električne energije, u prethodnom periodu stvorile su se značajne pravne osnove za razvoj i demokratizaciju OIE. Kao krajnji korak očekuje se da elektroprivredna društva u narednom periodu donesu procedure za priključenje prosumera i da snabdjevači izmjene ugovore sa krajnjim kupcima koji će izgradnjom postrojenja za vlastite potrebe postati prosumeri. Vlada Federacije Bosne i Hercegovine na razne načine subvencionira izgradnju proizvodnih objekata (solarnih elektrana) kod malih i srednjih preduzeća. Također, Operator za OIEiEK je donio Program o sufinansiranju prosumera iz kategorije domaćinstva, kojim je planirao 4 miliona KM u 2025. godini za sufinansiranje proizvodnje postrojenja prosumera iz kategorije domaćinstva, te se očekuje da Operator za OIEiEK u narednom periodu pokrene realizaciju navedenog.

Uvažavajući činjenicu da energetska sektor u Federaciji Bosne i Hercegovine prolazi kroz jako zahtjevnu tranziciju i da su ciljevi na polju emisija gasova – smanjenja proizvodnje iz termoelektrana, povećanja udjela obnovljivih izvora energije u krajnjoj potrošnji energije i povećanja energetske efikasnosti koje Bosna i Hercegovina / Federacija Bosne i Hercegovine treba da ispuni u skladu sa preuzetim međunarodnim obavezama jako ambiciozni, svakako da nas u narednom periodu očekuje niz izazova i barijera koje trebamo prevazići isključivo samo sa jednim ciljem, a to je osiguranje sigurnog, stabilnog i pristupačnog snabdijevanja krajnjih kupaca svim energentima.

S poštovanjem,



Prilog: kao u tekstu (6 stranica)

Dostaviti:

- Naslovu (x2)
- **VLADA FEDERACIJE BOSNE I HERCEGOVINE**
Generalni sekretarijat Vlade Federacije Bosne i Hercegovine
n/r g-đa Edita Kalajdžić, sekretar Vlade (Veza: akt broj 03-04-264/25)
- 05
- a/a

PRIMLJENO: 12-06-2025			
Organizacijska jedinica	Klasifikacijska oznaka	Redni broj	Broj priloga
05-	02-4-	273	25

Bosna i Hercegovina
Federacija Bosne i Hercegovine
**FEDERALNO MINISTARSTVO
ENERGIJE, RUDARSTVA I INDUSTRIJE**

n/p ministra
gosp. Vedran Lakić, mag. oec.

Organizacijska jedinica:
DIREKCIJA DRUŠTVA


Telefon: +387 36 335 700
Faks: +387 36 335 777
Vaš znak: 05-02-4-273/25
Naš znak: I- 3650 /25
Nadnevak: 12. lipnja 2025. godine

PREDMET: Odgovor na zastupničko pitanje, dostavlja se

Poštovani,

na temelju akta Vlade Federacije BiH, broj 03-04-264/2025 od 11.02.2025. godine, koji je zaprimljen u Društvu dana 17.02.2025. godine, dostavili smo odgovore na pitanja zastupnice u Zastupničkom domu Parlamenta Federacije BiH, gđe Ajle Milišić Pepić, a u skladu s nadležnostima Društva.

S poštovanjem,

Generalni direktor

dr. sc. Drago Bago, dipl. ing. el.
Mostar
1

Prilog:

- Odgovor JP „Elektroprivreda HZ HB“ d.d. Mostar od 28.02.2025. godine

Dostaviti:

- naslovu
- a/a.

Bosna i Hercegovina
Federacija Bosne i Hercegovine

VLADA

n/p tajnika,
dr. sc. Edita Kalajdžić

Organizacijska jedinica:
DIREKCIJA DRUŠTVA

Telefon: +387 36 335 700
Faks: +387 36 335 777
Vaš znak: 03-04-264/2025
Naš znak: I-1240/25
Nadnevak: 28. veljače 2025. godine

PREDMET: Odgovor na zastupničko pitanje, dostavlja se

Poštovana,

na temelju Vašeg akta broj 03-04-264/2025 od 11.2.2025. godine, koji je zaprimljen dana 17.2.2025. godine, u nastavku dostavljamo odgovore na pitanja zastupnice u Zastupničkom domu Parlamenta Federacije BiH, gđe Ajle Milišić Pepić, koja su u nadležnosti Društva.

Od 1. siječnja 2025. godine nisu povećane cijene električne energije za kupce koje opskrbljuje Javno poduzeće „Elektroprivreda HZ HB“ d.d. Mostar niti su Regulatornoj komisiji za energiju u Federaciji BiH predložene izmjene cijena opskrbe kod javnog opskrbljivača. Stoga, u prvoj polovici 2025. godine zasigurno neće doći do promjene navedenih cijena.

U Društvu se poduzimaju sve potrebne mjere kako ne bi došlo do povećanja cijena električne energije ni u drugoj polovici godine. Međutim, s obzirom na nastavak izrazito nepovoljnih hidroloških okolnosti i u prva dva mjeseca 2025. godine, te s obzirom na volatilnost cijena na veleprodajnom tržištu električne energije, u ovom trenutku nije moguće predvidjeti hoće li do kraja godine doći do promjene cijena električne energije za krajnje kupce. Eventualne promjene cijena bit će rezultat sveobuhvatnih analiza pri čemu će se svakako voditi računa o izbjegavanju naglih promjena cijena električne energije za krajnje kupce koje opskrbljuje Javno poduzeće „Elektroprivreda HZ HB“ d.d. Mostar, kako u okviru javne, tako i u okviru tržišne opskrbe.

S poštovanjem,

Generalni direktor
dr. sc. Drago Bago, dipl. ing. el.
Mostar
1

Dostaviti:

- naslovu
- a/a.



JP ELEKTROPRIVREDA BiH
d.d. - Sarajevo

12 0 -06-2025

554

Federalno Ministarstvo energije, rudarstva i industrije

Alekse Šantića bb

88 000 Mostar

n/r Ministar, gospodin Vedran Lakić

19.06.2025

01-04-22273-1/25

Bosna i Hercegovina
Federacija Bosne i Hercegovine
FEDERALNO MINISTARSTVO ENERGIJE,
RUDARSTVA I INDUSTRIJE, MOSTAR

PRIMLJENO: 20 -06- 2025

Organizacijska jedinica	Klasifikacijska oznaka	Redni broj	Broj priloga
05-02-4-273/25			

Predmet: Zastupničko pitanje-odgovor

Poštovani,

U skladu s Vašim dopisom broj 05-02-4-273/25 od 03.06.2025. godine informišemo Vas da smo odgovor na zastupničko pitanje poslali 13.03.2025 godine. Isti Vam dostavljamo u prilogu ovog dopisa.

S poštovanjem,

Prilog:

- Dopis broj 01-04-9460-1/2025 od 13.03.2025. godine.

Dostaviti:

- Imenovanim
- Sektor za javno snabdijevanje
- a/



2. Generalni direktor

dr. sci. Spiljo Buljubašić



44 100 22430072
44 764 22430072
44 126 22430072

Vilsonovo šetalište 15, 71000 Sarajevo, BiH

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
1549212003366506 - Intesa Sanpaolo Banka d.d. BiH
1410010009748956 - Bosnia Bank International d.d. Sarajevo
1020500000090111 - Union Banka d.d. Sarajevo
1346101000178654 - ASA Banka d.d. Sarajevo
1990490176075902 - Sparkasse Bank d.d. BiH
www.epbih.ba

Podružnice Društva:

Hidroelektrane na Neretvi, Jablanica, J. Čermija 1
Termoelektrana «Kakanj», Kakanj, Termoelektrana broj 1
Termoelektrana «Tuzla», Tuzla, 21. aprila 4
«Elektrodistribucija», Bihać, Bosanska 25
«Elektrodistribucija», Mostar, Adema Buća 34
«Elektrodistribucija», Sarajevo, Zmaja od Bosne 49
«Elektrodistribucija», Tuzla, Rudarska 38
«Elektrodistribucija», Travnik, Šumeće 182a
«Elektrodistribucija», Zenica, Safvet bega Bešlić 6



Javno preduzeće
ELEKTROPRIVREDA BOSNE I HERCEGOVINE
d.d. - Sarajevo

Parlament Federacije
Predstavnički/Zastupnički Dom
Hamdije Kreševljakovića 3.
71 000 Sarajevo

Sarajevo, 13. 03. 2025
Broj: 01-04-9460-7/25

Predmet: Odgovor na zastupničko pitanje
Veza: dopis broj 05/01-02-65/25 od 05.02.2025. godine

Poštovani,

U pogledu Vašeg dopisa broj: 05/01-02-65/25 od 05.02.2025. godine, a kojeg je Javno preduzeće Elektroprivreda Bosne i Hercegovine d.d. – Sarajevo zaprimilo dana 10.02.2025. godine, u nastavku dostavljamo odgovore na zastupnička pitanje koje je na 17. redovnoj sjednici Predstavničkog doma Parlamenta Federacije Bosne i Hercegovine, postavila Ajla Milišić Pepić, zastupnica u Predstavničkom domu Parlamenta Federacije Bosne i Hercegovine.

Odgovor na pitanje 1) i 2)

Javno preduzeće Elektroprivreda BiH d.d. – Sarajevo ulogu javnog i rezervnog snabdjevača vrši u skladu sa Odlukom Vlade Federacije BiH o utvrđivanju pružalaca javne/univerzalne usluge i usluge rezervnog snabdjevača, V broj 1811/2014 („Službene novine Federacije BiH“, broj: 84/14) i u skladu sa Dozvolom za snabdijevanje električnom energijom – Dozvola I reda, broj: UP1-06-13-1-139-1/21 od 26.10.2021. godine, što je omogućeno stavom (1) člana 169. Zakona o el. energiji Federacije BiH („Službene novine Federacije BiH“, broj: 60/23).

Prema članu 106. stav (1) i (2) Zakona o električnoj energiji Federacije BiH („Službene novine Federacije BiH“, broj: 60/23):

- Javno snabdijevanje podrazumijeva obavezu snabdijevanja električnom energijom prema regulisanim uslovima onih kupaca koji imaju pravo na javno snabdijevanje i koji slobodno izaberu ili po automatizmu koriste takav način snabdijevanja, po lako uporedivim, nediskriminirajućim i transparentnim uslovima.
- Kupci iz kategorije potrošnje domaćinstva, mali kupci električne energije i krajnji kupci od posebnog društvenog značaja, koji nisu izabrali snabdjevača na tržištu, imaju pravo na snabdijevanje električnom energijom od strane javnog snabdjevača.

Također, Javno preduzeće Elektroprivreda BiH d.d. – Sarajevo je imalac Dozvole za obavljanje djelatnosti snabdijevanja i trgovine električnom energijom, broj: UP1-06-13-1-156-1/23 od 12.12.2023. godine. U skladu s članom 12. Zakona o električnoj energiji Federacije BiH tržišne djelatnosti se obavljaju uz poštovanje načela tržišne konkurencije i ravnopravnog položaja svih učesnika na tržištu, gdje se slobodno dogovaraju i/ili ugovaraju količine i cijene isporučene električne energije.

U pogledu 2025. godine, tržišno snabdijevanje električnom energijom za dio ili cijelu 2025. godinu je ranije ugovoreno s postojećim krajnjim kupcima, putem zaključivanja ugovora o snabdijevanju električnom energijom za tržišno snabdijevanje.



44 100 2243072
44 128 2243072
44 764 2243072

Vilsonsvo šetalište 18, 71000 Sarajevo, BiH

Reg. broj: UP/1-392/04 Kantonalni sud Sarajevo
Porezni broj: 4200228180005, PDV broj: 200228180005
1549212002388808 - Intesa Sanpaolo Banka d.d. BiH
1410010009748986 - Bosnia Bank International d.d. Sarajevo
102050000000111 - Union Banka d.d. Sarajevo
1348101000178864 - ASA Banka d.d. Sarajevo
1880480176075802 - Sparkasse Bank d.d. BiH
www.epbih.ba

Podružnice Društva:

Hidroelektrane na Neretvi, Jablanici, J. Černija 1
Termoelektrane „Kakanj“, Kakanj, Termoelektrana broj 1
Termoelektrane „Tuzla“, Tuzla, 21. aprila 4
„Elektrodistribucija“, Bihać, Bosanska 28
„Elektrodistribucija“, Mostar, Adema Buđa 34
„Elektrodistribucija“, Sarajevo, Zmaja od Bosne 49
„Elektrodistribucija“, Tuzla, Rudarska 38
„Elektrodistribucija“, Travnik, Šumada 182a
„Elektrodistribucija“, Zenica, Safet boga Bašagića 6

Javni snabdjevač predlaže cijene za snabdijevanje krajnjih kupaca kod javnog snabdjevača Regulatornoj komisiji za energiju u Federaciji BiH (FERK) u skladu sa metodologijom za utvrđivanje cijena snabdijevanja kod javnog snabdjevača, koja se utvrđuje *Pravilnikom o metodologiji za utvrđivanje cijena za snabdijevanje električnom energijom krajnjih kupaca kod javnog i rezervnog* („Službene novine Federacije BiH“, broj: 22/24, u daljem tekstu *Pravilnik*).

U skladu sa *Pravilnikom* prijedlog cijena za snabdijevanje električnom energijom javnog snabdjevača mora biti dostavljen FERK-u najkasnije 60 dana prije planirane primjene istih. FERK daje saglasnost na predložene cijene ili, u slučaju da cijene koje je predložio javni snabdjevač nisu utvrđene u skladu sa *Pravilnikom*, FERK neće dati saglasnost na predložene cijene te u ovom slučaju FERK samostalno utvrđuje cijene za javno snabdijevanje.

Trenutno važeće cijene električne energije za javno snabdijevanje su utvrđene Odlukom o davanju saglasnosti Javnom preduzeću Elektroprivreda BiH d.d. - Sarajevo na prijedlog cijena snabdijevanja krajnjih kupaca kod javnog snabdjevača od strane FERK-a („Službene novine Federacije BiH“, broj: 50/24) i iste su u primjeni od 01.08.2024. godine.

Javno preduzeće Elektroprivreda BiH d.d. - Sarajevo u ulozi javnog snabdjevača nije podnijela zahtjev prema FERK-u za promjenu cijena električne energije javnog snabdjevača sa planiranom primjenom u 2025. godini.

Odgovor na pitanje 3)

Vlada Federacije Bosne i Hercegovine je u cilju pružanja podrške korisnicima najniže penzije kao i onima koji imaju pravo na stalnu novčanu pomoć, a koji su to pravo ostvarili na osnovu rješenja izdatih od nadležnih službi/centara za socijalni rad u Federaciji BiH na 14. sjednici održanoj 19. jula 2011. godine donijela Odluku o provedbi mjera za smanjenje troškova električne energije domaćinstvima i stimulaciji energetske efikasnosti, objavljenoj u Službenim novinama Federacije BiH, broj: 44 od 20.07.2011. godine (u daljem tekstu : Odluka).

Navedena Odluka (i njene izmjene/dopune) je donesena s ciljem smanjenja troškova električne energije na način da se potrošnja krajnjih kupaca električne energije uz uvažavanje prethodno navedenog, a koja je ispod prosječne potrošnje tj. ispod 268 kWh mjesečno kod Javnog preduzeća Elektroprivreda BiH d.d. - Sarajevo i ispod 348 kWh mjesečno kod Javnog preduzeća Elektroprivreda HZHB d.d. - Mostar subvencionira u maksimalnim iznosima od 5,50 KM odnosno 7,00 KM u zavisnosti od utrošene električne energije u obračunskom periodu.

Zbog trenda smanjenja proizvodnje iz postojećih konvencionalnih postrojenja JP Elektroprivreda BiH d.d. – Sarajevo (termoelektrane i hidroelektrane), usljed smanjenja mogućnosti isporuke uglja s rudnika FBiH kao i trenda sve slabije hidrologije, JP Elektroprivreda BiH d.d. - Sarajevo od kompanije koja je tradicionalno raspolagala značajnim viškovima električne enegije, u zadnjih nekoliko godina postala je neto uvoznik električne energije. Cijene električne energije su diktirane stanjem i cijenama na tržištu električne energije, cijenama repromaterijala i troškovima proizvodnje, a trendovi kretanja tih cijena i troškova su posljednjih godina u drastičnom porastu.

JP Elektroprivreda BiH d.d. - Sarajevo uvodi Sistem Upravljanja Energijom u sve dijelove i procese kompanije, kako bi povećala energetska efikasnost i smanjivala potrošnju energije. U tom segmentu su



Vilsonsvo šetalište 15, 71000 Sarajevo, BiH

Reg. broj: UP/1-392/04 Kantonalni sud Sarajevo
Porezni broj: 4200228180005, PDV broj: 200228180005
1849212003366505 - Intesa Sanpaolo Banka d.d. BiH
1410010009748989 - Bosnia Bank International d.d. Sarajevo
1020500000090111 - Union Banka d.d. Sarajevo
1346101000178654 - ASB Banka d.d. Sarajevo
1890490176075902 - Sparkasse Bank d.d. BiH
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrane - Kakanj, Kakanj, Termoelektrana broj 1
Termoelektrane - Tuzla, Tuzla, 21. aprila 4
«Elektrodistribucija», Bihać, Bosanska 25
«Elektrodistribucija», Mostar, Adama Buca 34
«Elektrodistribucija», Sarajevo, Zmaja od Bosne 49
«Elektrodistribucija», Tuzla, Rudarska 38
«Elektrodistribucija», Travnik, Šumada 182a
«Elektrodistribucija», Zenica, Šafvet boga Bebašića 6

već postignuti određeni rezultati, pa su tako distributivni gubici u mreži JP Elektroprivreda BiH d.d. - Sarajevo među najnižim u Evropi (na nivou 6%). Ipak sve ove mjere ne mogu ni blizu smanjiti potrošnju energije krajnjih kupaca koja je nažalost motivisana niskim cijenama električne energije u okviru usluge javno snabdijevanja, pa je naprimjer prisutan trend povećanja potrošnje električne energije za grijanje. Povećanje kapaciteta proizvodnih objekata (izgradnja novih proizvodnih objekata, konkretno u JP Elektroprivreda BiH d.d. - Sarajevo) kao i povećanje energetske efikasnosti lanca proizvodnje, distribucije i potrošnje energije (uštete kod kupaca) mogli bi indirektno doprinijeti stabilizaciji cijena električne energije, na način da se u perspektivi potrebe krajnjih kupaca električne energije koji se snabdijevaju u okviru usluge javnog snabdijevanja zadovoljavaju iz vlastite proizvodnje JP Elektroprivreda BiH d.d. - Sarajevo (koja je trenutno povoljnija u odnosu na cijene električne energije na tržištu), te da se na taj način doprinese da cijene usluge javnog snabdijevanja ne zavise od tržišnih fluktuacija cijena električne energije. Trenutne cijene usluge javnog snabdijevanja su ispod stvarnog troška nabavke električne energije za potrebe javnog snabdijevanja, te su daleko ispod cijena električne energije na tržištu, pa je neminovno u predstojećem periodu očekivati dalje promjene cijena usluge javnog snabdijevanja električnom energijom.

S druge strane, iako JP Elektroprivreda BiH d.d. - Sarajevo ima ambiciozan plan izgradnje novih proizvodnih objekata na obnovljivim izvorima energije, te su mnogi projekti fotonaponske elektrane, vjetroelektrane i hidroelektrane u visokim stadijima pripreme za realizaciju, realno je očekivati značajniji upliv na mrežu novih MWh tek u doglednom srednjoročnom periodu, obzirom da kampanja izgradnje novih zamjenskih proizvodnih objekata, zbog brojnih administrativnih i regulatornih prepreka, ne teče željenom brzinom. Zbog toga je hitno potrebno pronaći modalitete, formalizovane kroz pravni okvir, za ubrzanje ishodovanja neophodnih saglasnosti i dozvola, kojim bi se proces izgradnje novih proizvodnih kapaciteta javnih snabdijevača ubrzao.

S poštovanjem,

Generalni direktor

Sanel Buljubašić
Dr. sci. Sanel Buljubašić

Co:

- 04
- 08
- a/a



44 100 2243072
44 126 2243072
44 764 2243072

Vilsonovo šetalište 15, 71000 Sarajevo, BiH

Reg. broj: UF/1-392/04 Kantonalni sud Sarajevo
Porezni broj: 4200226180008, PDV broj: 200226180008
1549212003356806 - Intesa Sanpaolo Banka d.d. BiH
1410010009748956 - Bosnia Bank International d.d. Sarajevo
1020800000090111 - Union Banka d.d. Sarajevo
1346101000178654 - ASB Banka d.d. Sarajevo
1090490176078902 - Sparkasse Bank d.d. BiH
www.eppb.ba

Podružnice Društva:

Hidroelektrane na Neretvi, Jablanica, J. Černija 1
Termoelektrane - Kakanj, Kakanj, Termoelektrane broj 1
Termoelektrane - Tuzla, Tuzla, 21. aprila 4
-Elektrodistribucija-, Bihać, Bosanska 26
-Elektrodistribucija-, Mostar, Adema Ćudić 34
-Elektrodistribucija-, Sarajevo, Zmaja od Bosne 49
-Elektrodistribucija-, Tuzla, Rudarska 38
-Elektrodistribucija-, Travnik, Šumice 182a
-Elektrodistribucija-, Zenica, Seferov baka Bašagića 6